

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-144/26
Vareš, 01.06. 2026. godine

Na osnovu člana 22. i 95. Statuta Općine Vareš (prečišćeni tekst) broj: 01-162/12 od 11.09. 2012.godine, a u vezi sa članom 100. Poslovnika o radu Općinskog vijeća Vareš (Novi prečišćeni tekst) broj: 01-132/20 od 19.10. 2020.godine, broj: 01-170/21 od 30.09. 2021. godine i broj: 01-91/23 od 30.03. 2023. godine, Općinsko vijeće Vareš na 16. sjednici održanoj 01.06. 2026. godine, d o n o s i

ZAKLJUČAK

1. **PRIHVATA** se Izvještaj o radu Javne ustanove „Dom zdravlja“ Vareš za 2025. godinu.
2. Izvještaj o radu Javne ustanove „Dom zdravlja“ Vareš za 2025. godinu iz tačke 1. čini sastavni dio ovog Zaključka.
3. Ovaj Zaključak stupa na snagu danom donošenja.

DOSTAVLJENO:

1 x Općinski načelnik,
1 x Direktor Javne Ustanove,
1 x Predsjednik UO,
1 x a/a.



**PREDSJEDAVAJUĆI
OPĆINSKOG VIJEĆA**

Igor Šimić
Igor Šimić


adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba



Dom zdravlja
JAVNA USTANOVA
Vareš

01-75/2
15.05.2



IZVJEŠTAJ

**O RADU JU „DOM ZDRAVLJA“ VAREŠ ZA
2025. GODINU**

Vareš, april 2026. godine

SADRŽAJ

1. UVODNI DIO.....	3
1.1. Osnovne informacije o Domu zdravlja Vareš.....	3
2. ZDRAVSTVENO STANJE STANOVNIŠTVA.....	7
3. PODACI O RADU UPRAVNOG ODBORA DOMA ZDRAVLJA VAREŠ ZA 2025. GODINU.....	12
4. NEREALIZOVANI PROJEKTI U 2025. GODINI.....	16
5. PROVEDENE AKTIVNOSTI U 2025. GODINI I REALIZOVANE INVESTICIJE (NABAVKE).....	17
6. INFORMACIJA O STANJU TERENSKIH AMBULANTI NA PODRUČJU OPĆINE VAREŠ.....	17
7. IZVJEŠTAJ O FINANSIJSKOM POSLOVANJU I-XII / 2025. GODINE	21

1. UVODNI DIO

JU Dom zdravlja Vareš je osnovan 26. novembra 1961. godine. Osnovna djelatnost Ustanove jeste Djelatnost opće medicinske prakse. Javna ustanova "Dom zdravlja" Vareš pruža zdravstvenu uslugu na primarnom nivou zdravstvene zaštite.

1.1. Osnovne informacije o Domu zdravlja Vareš

I. Puni naziv i sjedište pravnog subjekta

- Javna ustanova "Dom zdravlja" Vareš
- Ulica: Zvijezda br.18
- ID broj: 4218066170004
- Transakcijski račun: UniCredit Bank 3389002208040013

II. Članovi Upravnog odbora su bili :

1. Igor Hinger, prof. predsjednik (predstavnik osnivača Općina Vareš),
2. dr. Ilhana Fatić, spec. pedijatar, (predstavnik Ministarstva zdravstva ZDK)
3. Arnela Žigić dipl.med.sestra, član. (predstavnica stručnih radnika Doma zdravlja Vareš)

III. Direktor Doma zdravlja Vareš

1. dr. Ahmed Memić, spec. preventivne i dječije stomatologije

- Pomoćnik direktora za medicinske poslove - dr. Ilhana Fatić, doktor medicine - specijalista pedijatar
- Pomoćnik direktora za ekonomsko-finansijske poslove - Adis Čizmo, magistar ekonomije


IV. Glavna sestra:

1. Arnela Žigić, dipl. medicinska sestra

V. Dom zdravlja se sastoji od slijedećih službi i ambulanti:

2. Porodična/obiteljska medicina ·
3. Služba zdravstvene zaštite djece ·
4. Zdravstvena zaštita žena ·
5. Služba hitne medicinske pomoći ·
6. Dijagnostička služba(laboratorijsko – radiološka služba)
7. Higijensko-epidemiološka služba ·
8. Zdravstvena zaštita zuba i usta ·
9. Služba zajedničkih poslova ·
10. Ambulanta za zdravstvenu zaštitu kod specifičnih i nespecifičnih plućnih oboljenja
11. Ambulanta za fizikalnu terapiju i rehabilitaciju

Šema 1. Organizaciona šema Doma zdravlja



VI. Podaci o zaposlenim

U Domu zdravlja Vareš je na dan 31.12.2025. godine bilo zaposleno 63 radnika, od toga: Medicinskih radnika ima 46 i to:

- VSS – 14
- SSS – 32

Nemedicinskih radnika ima 17 i to:

- VSS – 2
- SSS – 10
- KV-2
- NK – 3

Spolna struktura uposlenika, je:

- Žene – 45
- Muškarci – 18

Doktori uposleni u Domu zdravlja Vareš:

1. dr. Memić Mina, specijalista ortodont
2. dr. Ilhana Fatić, specijalista pedijatar
3. dr. Predrag Šešlija, specijalista urgentne medicine
4. dr. Saler Adlejš, specijalista dermatovenerologije
5. dr. Ahmed Memić specijalista preventivne i dječije stomatologije
6. dr. Sanja Savičić, specijalista porodične/obiteljske medicine
7. dr. Asmir Kunić, doktor medicine
8. dr. Vehid Ademović, doktor medicine
9. dr. Logman Logman, doktor medicine
10. dr. Zubača Kenan, doktor stomatologije

Uposlenici sa završenom fakultetom zdravstvenih studija:

1. dipl. med. sestra Arnela Žigić, glavna med. sestra,
2. dipl. med. sestra Jelica Klarić,
3. inž. med. laboratorijske dijagnostike Emina Muftić
4. inž. med. radiologije Nejla Mašić

Uposlenici VSS nemedicinskog kadra:

1. Adis Čizmo, magistar ekonomije
2. Raza Hrvat, dipl. pravnik

Broj i sastav timova porodične/obiteljske medicine i terenskih ambulanti:

U Domu zdravlja Vareš su registrovana četiri (4) tima POM-a i to:

1. Tim 1:

- Liječnik, dr. Sanja Savičić specijalista P/OM + edukacija iz P/OM
- dipl. med. sestra Jelica Klarić

Tim 1 je smješten u centralnom objektu Doma zdravlja Vareš.

Tim 1 pokriva područje grada Vareša.

Broj registrovanih pacijenata je 1670.

2. Tim 2:

- Liječnik, dr. Asmir Kunić
- med. sestra, Hatidža Žutić + edukacija iz P/OM,
- med. sestra, Meliha Hasić + edukacija iz P/OM

Tim 2 je smješten u centralnom objektu Doma zdravlja Vareš.

Tim 2 pokriva sljedeće terenske ambulante: Striježovo i Dabravine

Medicinska sestra zadužena za ter. ambulantu Striježovo je Žutić Hatidža, a za ter. ambulantu Dabravine zadužena je Hasić Meliha.

Broj registrovanih pacijenata je 1854.

3. Tim 3:

- Liječnik, dr. Logman Logman
- med. sestra, Jasminka Elezović + edukacija iz P/OM,
- med. tehničar Nedžad Berbić + edukacija iz P/OM-a.

Tim 3 je smješten u centralnom objektu Doma zdravlja Vareš

Tim 3 pokriva sljedeće terenske ambulante: Ligatići, Vijaka, Pogar, Borovica i Dragovići
Broj registrovanih pacijenata je 1541.

4. Tim 4:

- Liječnik, dr. Vehid Ademović
- med. sestra, Branka Filipović+ edukacija iz P/OM ,
- med. sestra, Larija Deronjić+ edukacija iz P/OM

Tim 4 je smješten u centralnom objektu Doma zdravlja Vareš.
Tim 4 pokriva sljedeće terenske ambulante: Budoželje, Pržići i Ravne.
Broj registrovanih pacijenata je 1663.

Spoljni saradnici - specijalisti (10) koji dolaze u Dom zdravlja Vareš (ugovor o djelu):

1. dr. Emina Turkić, specijalista fizijatar
2. dr. Alma Mulić, specijalista neurolog
3. Ana Pavlović, mr. psihologije
4. dr. Suljo Džaferović, specijalista pneumoftizilog
5. dr. Midhat Beširević, specijalista medicine rada
6. dr. Alis Kozica, specijalista epidemiolog
7. dr. Muhidin Bečirević, spec. radiolog
8. dr. Tarik Branković, spec. ortoped
9. dr. Vasvija Šahinović, spec. ginekolog
10. dr. Alma Badnjević-Čengić, spec. dijabetolog

Specijalisti (4) angažovani od strane KB Zenica:

1. Specijalista Hirurg
2. Specijalista Oftalmolog-okulista
3. Specijalista Internista
4. Specijalista Otorinolaringolog (ORL),

Ukupan broj osiguranika općine Vareš u 2025. godini je 5.961.

Stanovništvo tretira 31 stručnjak sa VSS spremom.

Ukupno 16 VSS stalno uposlenih u Domu zdravlja Vareš:

- šest stalno uposlenih doktora sa specijalizacijom
- tri stalno uposlenih doktora medicine
- jedan stalno uposlen doktor stomatologije

- četiri stalno uposlena sa završenim fakultetom Zdravstvenih studija
- jedan stalno uposlen magistar ekonomije
- jedan stalno uposlen dipl. pravnik

Ukupno 14 VSS spoljnih saradnika:

- devet spoljnih saradnika specijalista, angažovanih po Ugovoru o djelu
- četiri specijalista angažovanih od strane KB Zenica
- jedan magistar psihologije angažovan po Ugovoru o djelu

Broj osiguranih lica za 2025. godinu je 5.961 osiguranik.

Tabela 1. Prikaz broja osiguranih lica

GODINA	2019.	2020.	2021.	2022.	2023.
Broj osiguranih lica	6.812	6.626	6.380	6.257	6.170
	2024.	2025.			
	6.067	5.961			

Broj osiguranih lica na području općine Vareš iz godine u godinu opada.

2. ZDRAVSTVENO STANJE STANOVNIŠTVA

Za ocjenu zdravstvenog stanja stanovništva bitni pokazatelji su očekivana dužina života, stopa mortaliteta, dojenačka smrtnost, vodeći uzroci smrti, vodeća oboljenja po dobnim skupinama.

Statistički pokazatelji govore o padu stope nataliteta u odnosu na prošlu godinu, kao i porastu mortaliteta.

Smrtnosti dojenčadi nije evidentirano.

Prirodno kretanje stanovništva

Natalitet u 2025. godini bio je u padu u odnosu na 2024.godinu, a stopa mortaliteta veća nego u 2024.godini.

- Tabela 2. Stopa nataliteta i mortaliteta

	2021	2022	2023	2024	2025
Broj rođenih	31	30	32	26	18

	2021	2022	2023	2024	2025
Broj umrlih građanana na području općine Vareša	181	131	120	110	130

Po evidenciji iz matičnog ureda Općine Vareš, ukupan broj umrlih u 2025. godini je 130, od čega je 88 umrlih evidentirano u knjizi umrlih Doma zdravlja Vareš, što znači da su u trenutku smrti bili na području Općine Vareš. Ostali preminuli evidentirani su u knjizi umrlih matičnog ureda Općine Vareš (u trenutku smrti su bili hospitalizirani u KBZ, KCUS, Opća bolnica Tešanj).

U vodeće uzroke smrti i dalje spadaju oboljenja kardiovaskularnog sistema.

- Tabela 3. Vodeći uzroci smrti (hronične nezarazne bolesti, maligna oboljenja i neprirodne smrti) :

Uzrok smrti od hroničnih nezaraznih bolesti	Broj umrlih
infarctus myocardi (akutni infarkt srčanog mišića)	7
insultus cerebrovascularis (akutni moždani udar)	7
hypertensio arterialis (povišen krvni pritisak)	15
cor decompensatum (akutno zatajenje srca)	11
insuffitientio cardiorespiratoria (akutno popuštanje kardiorespiratornog sistema)	11
diabetes mellitus typ 2 (šećerna bolest tip 2)	3
COPD (hronična opstruktivna plućna bolest)	4
UKUPNO	58

Uzroci smrti od malignih bolesti	Broj umrlih
maligna neoplazma debelog crijeva	4
maligna neoplazma jetre	2
maligna neoplazma dojke	1
maligna neoplazma jajnika	1
maligna neoplazma prostate	3
maligna neoplazma pluća	6
ostale maligne neoplazme (centralni nervni sistem, krvotvorni sistem, gušterača)	11
UKUPNO	28

Uzroci neprirodnih smrti (nasilna smrt, nesretan slučaj)	Broj umrlih
Suicid (samoubistvo)	1
Nesretan slučaj (saobraćajna nesreća)	1
UKUPNO	2

Higijensko – epidemiološko stanje

Analizom dobijenih podataka iz Higijensko – epidemiološke službe za period 2025. godine konstatovani su isti zdravstveni problemi i zarazne bolesti kao i predhodnih godina.

U protekloj godini prijavljen je veći broj oboljelih od zaraznih bolesti, ukupno 87 u odnosu na 2024. godinu, kada je prijavljeno 52 slučaja. Navedeno je vidljivo i u slijedećoj tabeli.

- Tabela 4. Broj prijavljenih slučajeva zaraznih bolesti

r/b	Akutna/hronična zarazna bolest	2021.	2022.	2023.	2024.	2025.
1.	Influenza (gripa)	-	-	1	2	9
2.	Varicellae (vodene kozice, pljuskavice)	3	6	10	7	12
3.	Scabies (svrab)	1	5	4	1	-
4.	Enterocolitis acuta (akutni proliv)	4	4	10	19	25
5.	TBC pulmonum (plućna tuberkuloza)	-	2	2	1	-
6.	Scarlatina (šarlah)	-	2	-	1	-
7.	Hepatitis B (hronični virusni hepatitis B)	1	-	-	-	-
8.	Angina streptococcica (gnojna angina, Streptokokna angina)	-	22	15	2	29
9.	Morbilli (krzamak, male boginje, ospice)	-	-	-	11	-
10.	Parotitis epydemica (zaušnjaci)	-	-	-	-	-
11.	Intoxicatio alimentaris (akutno trovanje hranom)	-	-	-	1	-
12.	Salmonellosis (salmoneloza)	-	-	-	-	-
13.	Ostale zarazne bolesti	2	14	7	7	12
	UKUPNO	11	55	49	52	87

Higijensko – epidemiološka služba Doma zdravlja Vareš pravovremeno provodi sve zakonom propisane protivepidemijske mjere u slučajevima pojave zaraznih oboljenja.

Na zdravstvenu ispravnost (mikrobiološka i hemijska analiza) redovno se kontrolišu namirnice u ishrani i voda.

Podaci su uzeti iz godišnjeg biltena Instituta za zdravlje i sigurnost hrane ZDK.

- Za bakteriološku analizu uzeto je 217 uzoraka namirnica. Od uzetih uzoraka hrane 5 je neispravno (2,3%). Uzeto je 20 uzoraka vode iz gradskog vodovoda, svi uzorci bili su ispravni. Uzeto je i 102 uzorka vode iz ostalih vodnih objekata (seoski vodovodi, kaptaze, javne česme i ostalo), od toga je 48 uzoraka bilo neispravno (47,1%).

Ovaj procenat bakteriološki neispravnih voda je u prosjeku veći nego u 2024. godine.

- Za hemijsku analizu uzeto je 7 uzoraka vode iz gradskog vodovoda, svaki uzorak je bio ispravan. Uzeto je 64 uzorka vode iz ostalih vodnih objekata, 1 neispravan (1,6%)

Jednom godišnje Dom zdravlja Vareš vrši kontrolu mikrobiološke i hemijske analize vode u sklopu programa "Lokalni vodni objekti" u saradnji sa Institutom za zdravlje i sigurnost hrane Zenica.

Higijena radnog prostora u prehrambenoj industriji je provjeravana uzimanjem briseva sa radnih površina, sredstava za rad, ruku zaposlenih u objektima za promet prehrambenim proizvodima. Uzeto je ukupno 190 uzoraka, od čega je 1 bio neispravan (0,5%).

Sistematsku deratizaciju u proljetnoj i jesenjoj fazi radio je samo Institut za zdravlje i sigurnost hrane Zenica, bez učešća Doma zdravlja Vareš.

Vršena je redovna i svakodnevna dezinfekcija prostorija Doma zdravlja Vareš.

Epidemiolog nadležan za područje Općine Vareš je redovno dolazio, te smo ga blagovremeno upoznavali sa eventualnim problemima.

U toku 2025. godine broj obavljenih sanitarnih pregleda, za izdavanje sanitarnih knjižica bio je ukupno 245, što je više u odnosu na 2024. godinu (233).

Nije obavljen pregled djece u OŠ "Vareš" Vareš na vašljivost, kao i u JU "Dječije obdanište Vareš" Vareš jer za to nije bilo potrebe.

Zahvaljujući radu uposlenih u HES-u, nije bilo epidemija zaraznih bolesti i uspješno je provedena obavezna imunizacija.

Uspješnost provedene obavezne imunizacije

- Tabela 5. Imunizacija (redovna vakcinacija)

Vrsta vakcine			Ciljna grupa /kohorta/ djece prema kalendaru imunizacije			Djeca drugih dobnih skupina nevakcinisani prema kalendaru imunizacije		
			Broj planiranih	Broj vakcinisani h	%	Broj planiranih	Broj vakcinis anih	%
IMUNIZACIJA / VAKCINACIJA	BCG	DZ VARES	20	8	40%	3	3	100%
		KB ZENICA		12	60%			
	Hep B 1	DZ VAREŠ	20	8	40%	1	1	100%
		KB ZENICA		12	60%			
	HepB 2		20	19	95%	1	1	100%
	HepB 3		20	18	90%	2	2	100%
	DTP 1 a IPV-Hib 1		20	18	90%	1	1	100%
	DTP 2 a IPV-Hib 2		20	18	90%	1	1	100%
	DTP 3 a IPV-Hib 3		20	18	90%	2	2	100%
	DTaP-PV 1		-	-	-	-	-	-
	DTaP-PV 2		-	-	-	-	-	-
	DTaP- PV 3		3	3	100 %	-	-	-
	MRP 1		30	29	96%	3	3	100%

REVAKCINACIJA	DTAp-pv-Hib I revakcinacija	28	28	100 %	0	0	0%
	DtAp-pv II revakcinacija	30	26	86,6 6%	12	12	100%
	MRP 2	35	34	97,1 4%	5	5	100%

dTpro adultis	35	34	97,1 4%	6	6	100%
IPV	0	0	0%	5	2	40%

Napomena: Djeca rođena u Kantonalnoj bolnici Zenica, KCUS i Općoj bolnici "Prim.dr. Abdulah Nakaš" Sarajevo, vakcinišu se po rođenju u porodilištu vakcinom BCG i prvom dozom HBV. Ukoliko postoji privremena kontraindikacija za vakcinaciju u porodilištu ista se provodi u Domu zdravlja Vareš kada se za to steknu zdravstveni uslovi (opće zdravstveno stanje djeteta).

Krajem 2025. godine iskazana je želja mjesnih zajednica Daštansko i Pržići za analizom krvi na prisustvo teških metala (PB- olovo). Nakon dobijenih rezultata Dom zdravlja Vareš je obavijestio nadležne institucije sa viših nivoa da su dobijeni rezultati analiza pokazali prisustvo olova u krvi testiranih građana. Odmah nakon toga Općina Vareš je formirala radnu grupu koja je preuzela daljnje aktivnosti po pitanju nastale situacije sa povećanim vrijednostima olova u krvi.

3. PODACI O RADU UPRAVNOG ODBORA DOMA ZDRAVLJA VAREŠ ZA 2025. GODINU.

Upravni odbor JU Doma zdravlja Vareš broji tri člana. Dva člana Upravnog odbora su imenovana Rješenjem Općinskog vijeća Vareš br: 01-105/23 od 27.04.2023. godine, dok je treći član Upravnog odbora, predstavnik Ministarstva zdravstva ZDK, imenovan Rješenjem Općinskog vijeća br: 01-205/24 od 28.11.2024. na period do isteka mandata Upravnog odbora JU Dom zdravlja Vareš, imenovanog Rješenjem Općinskog vijeća Vareš br:01-105/23 od 27.04.2023. godine.

Upravni odbor Doma zdravlja Vareš je tokom 2025. godine radio u slijedećem sastavu.

1. Igor Hinger, predsjednik Upravnog odbora iz reda Osnivača.
2. dr. Ilhana Fatić, član Upravnog odbora ispred Ministarstva zdravstva ZDK.
3. Arnela Žigić, član Upravnog odbora iz reda stručnih radnika Ustanove.

U izvještajnom periodu od 01.01.2025. godine do 31.12.2025. godine, održano je 11 (jedanaest) redovnih i jedna (1) vanredna sjednica Upravnog odbora, na kojima se

raspravljalo o svim bitnim pitanjima, vezanim za poslovanje JU Dom zdravlja Vareš, te su se donosile Odluke i Zaključci kako slijedi:

Trideset sedma redovna sjednica Upravnog Odbora održana dana 15.01.2025. godine.

- Donesen Zaključak kojim se konstatuje da će se na narednoj sjednici Upravnog odbora usvojiti predloženi Pravilnik o radu, unutrašnjoj organizaciji i sistematizaciji poslova i radnih mjesta, nakon što se u isti uvrste dodatni prijedlozi sa današnje sjednice.

Trideset osma redovna sjednica Upravnog odbora održana dana 31.01.2025. godine.

- Donesena Odluka o usvajanju Pravilnika o radu, unutrašnjoj organizaciji i sistematizaciji poslova i radnih mjesta JU Dom zdravlja Vareš

Trideset deveta redovna sjednica Upravnog odbora održana dana 28.02.2025. godine

- Donesena Odluka o usvajanju Izvještaja o popisu stalnih sredstava i sitnog inventara br: 02-11-205/25 od 12.02.2025. godine.
- Donesena Odluka o usvajanju Izvještaja o otpisu stalnih sredstava i sitnog inventara br:02-11-206/25 od 11.02.2025. godine.
- Donesena Odluka o usvajanju Izvještaja o popisu novčanih sredstava u blagajni Doma zdravlja, otpisu potraživanja, stanju novčanih sredstava na Ž.R kod poslovne banke br:02-11-1984/24 od 31.12.2024. godine.
- Donesena Odluka o usvajanju Izvještaja o finansijskom poslovanju JU Dom zdravlja Vareš za period I-XII/2024. godine.

Četrdeseta redovna sjednica Upravnog odbora održana dana 16.04.2025. godine.

- Donesen Odluka o usvajanju Programa rada Upravnog odbora JU Dom zdravlja Vareš za 2025. godinu.
- Donesena Odluka o usvajanju Izvještaja o radu JU Dom zdravlja Vareš za 2024. godinu.
- Donesena Odluka o usvajanju Pravilnika o izmjenama i dopunama Pravilnika o radu, unutrašnjoj organizaciji i sistematizaciji poslova i radnih mjesta JU Dom zdravlja Vareš.
- Donesena Odluka o imenovanju članova Komisije za upravljanje medicinskim otpadom JU Dom zdravlja Vareš.
- Donesena Odluka o imenovanju članova Komisije za izlaganje medicinskom zračenju JU Dom zdravlja Vareš.

- Donesena Odluka o imenovanju članova Komisije za primjedbe, pohvale i žalbe pacijenata u JU Dom zdravlja Vareš.

Druga vanredna sjednica Upravnog odbora održana dana 23.04.2025.godine.

- Donesen Zaključak da se Uredu za borbu protiv korupcije dostavi odgovor na zaprimljeni akt od strane istih, kao i sva relevantna dokumentacija.

Četrdeset prva redovna sjednica Upravnog odbora održana dana 29.05.2025. godine.

- Donesen Zaključak da je informacija o aktivnostima u Domu zdravlja Vareš, između dvije sjednice, primljena na znanje.

Četrdeset druga redovna sjednica Upravnog odbora održana dana 30.06.2025.godine.

- Donesena Odluka kojom se konstatuje da je Upravni odbor suglasan sa prijedlogom direktora da Doma zdravlja Vareš, da isti za pomoćnika direktora za medicinske poslove imenuje dr. Ilhanu Fatić.
- Donesena Odluka kojom se menadžmentu Doma zdravlja Vareš daje odobrenje da, u skladu sa finansijskim mogućnostima, uplati određena finansijska sredstva Odredu izviđača „Zvijezda“ Vareš, koja će biti iskorištena za organizaciju logorovanja za djecu i mlade u periodu od 13.07.2025 do 18.07.2025. godine, u Vijaci.

Četrdeset treća redovna sjednica Upravnog odbora održana dana 29.08.2025. godine.

- Donesen Zaključak o usvajanju informacije o aktivnostima u Domu zdravlja Vareš, između dvije sjednice.
- Donesena Odluka kojom se menadžmentu Doma zdravlja Vareš daje odobrenje da NK Vareš, u skladu sa finansijskim mogućnostima Ustanove, uplati određena finansijska sredstva, koja će biti iskorištena za izgradnju terena sa umjetnom travom.

Četrdeset četvrta redovna sjednica Upravnog odbora održana dana 30.09.2025.godine.

- Donesena Odluka o imenovanju članova Komisije za javne nabavke u JU Dom zdravlja Vareš.
- Donesena Odluka o imenovanju članova Komisije za lijekove JU Dom zdravlja Vareš.
- Donesena Odluka o imenovanju članova Komisije za poboljšanje kvaliteta i sigurnosti zdravstvenih usluga JU Dom zdravlja Vareš.

- Donesena Odluka o imenovanju članova Komisije za primjedbe, pohvale i žalbe pacijenata u JU Dom zdravlja Vareš.
- Donesen Zaključak o primanju na znanje informacije o otkazu Ugovora o radu dr. Aide Plečić-Brkić i objavljivanju Javnog oglasa za prijem u radni odnos specijaliste ginekologije i akušerstva.
- Donesen Zaključak o primanju na znanje informacije o Prijedlogu novog Kolektivnog ugovora u oblasti zdravstva u Zeničko-dobojskom kantonu.

Četrdeset peta redovna sjednica Upravnog odbora održana dana 31.10.2025. godine.

- Donesen Zaključak o usvajanju informacije o aktivnostima u Domu zdravlja Vareš, između dvije sjednice.

Četrdeset šesta redovna sjednica Upravnog odbora održana dana 18.11.2025.godine.

- Donesena Odluka o usvajanju Pravilnika o izmjenama i dopunama Pravilnika o radu, unutrašnjoj organizaciji i sistematizaciji poslova i radnih mjesta JU Dom zdravlja Vareš.
- Donesen Zaključak kojim se direktoru Doma zdravlja Vareš sugeriše da pri zapošljavanju, na nova sistematizovana radna mjesta, poštuje Zakon o radu, Pravilnik o radu Doma zdravlja i ostale zakonske regulative.
- Donesen Zaključak o primanju na znanje pismene molbe Emine Muftić, kao i detaljno obrazloženje i pojašnjenje navoda iz iste.

Četrdeset sedma redovna sjednica Upravnog odbora održana dana 23.12.2025.godine.

- Donesena Odluka o imenovanju Inventurnih komisija JU Dom zdravlja Vareš.
- Donesena Odluka o usvajanju Finansijskog plana prihoda i rashoda JU Dom zdravlja Vareš za 2026. godinu.
- Donesena Odluka da će JU Dom zdravlja Vareš vlastitim sredstvima finansirati dio projekta po Javnom pozivu za raspodjelu sredstava tekući transfer drugim nivoima vlasti i fondovima – transfer za sanaciju zdravstvenih ustanova u Federaciji BiH, koji je objavilo Federalno ministarstvo zdravstva, a odnosi se na projekat termoizolacije vanjskih zidova Doma zdravlja Vareš.

Uvidom u dati pregled donesenih Odluka i Zaključaka Upravnog odbora Doma zdravlja Vareš, može se utvrditi da je Upravni odbor u 2025.godini, održao 12 (dvanaest) sjednica i donio 22 (dvadeset dvije) Odluke i 9 (devet) Zaključaka iz domena svoje nadležnosti.

Tokom 2025. godine, tematika koja je tretirana na sjednicama Upravnog odbora po kojima su donesene Odluke i Zaključci, pokazuje da ja Upravni odbor svoju funkciju zadovoljio u potpunosti, jer je u svom radu isključivo nastojao da se poslovanje JU Dom zdravlja Vareš odvija u skladu sa Zakonom i raspoloživim finansijskim sredstvima.

Treba naglasiti da se Upravni odbor u ovom periodu angažovao na daljem poboljšanju organizacije rada u Domu zdravlja Vareš, kroz donošenje Odluka o usvajanju novih opštih akata, izmjena i dopuna postojećih, te donošenja i realizaciji Odluka u cilju stvaranja boljih uslova rada i pružanja kvalitetnijih usluga pacijentima.

4. NEREALIZOVANI PROJEKTI U 2025. GODINI

U 2025. nismo uspjeli realizovati strateški projekat Doma zdravlja Vareš, a to je energetska utopljanje centralnog objekta.

I pored urađenog energetskog audita (firma Enova d.o.o. Sarajevo je po nalogu Doma zdravlja Vareš u februaru mjesecu 2015. godine), nismo uspjeli realizovati niti jednu fazu navedenu u tabeli br.6.

Energetski audit je ponovo revidiran 2019. godine od strane UNDP-a

Tabela 6. Potrebni radovi u zgradi Domu zdravlja Vareš sa okvirnim cijenama

Naziv potrebnih radova (rekonstrukcije objekta)	Cijena u KM iz 2015. god.	Revidirane cijene u KM iz 2019. god.
Zamjena fasadne stolarije	68.668,59	92.018,26
Ugradnja termoizolacije na fasadu objekta	59.110,19	81.719,96
Izolacija poda tavana objekta	15.264,77	21.057,72
Zamjena instalacija grijanja u objektu	128.102,80	128.102,80
Ugradnja senzora pokreta	1.009,44	-
Ugradnja senzora dnevnog svjetla	1.817,96	-
Zamjena energenta ugalj-pelet dva kotla po 100 kw	-	52.580,80
UKUPNO:	276.905,75	385.040,40

Važno je da napomenemo da je JU Dom zdravlja Vareš u fazi utopljanja (zamjena fasadne stolarije i ugradnja termoizolacije na fasadu objekta) te da smo trenutno u fazi potpisivanja ugovora sa izvođačima radova i izboru nadzora nad izvođenjem radova.

5. PROVEDENE AKTIVNOSTI U 2025. GODINI I REALIZOVANE INVESTICIJE (NABAVKE)

Tabela 7. Realizovane investicije (nabavke) u 2025. godini.

R.BR.	NAZIV OPREME	CIJENA SA PDV-om U KM
1	Računarska oprema	1.344,37
2	Biohemijski analizator	27.144,00
3	Hematološki brojač	9.828,00
4	Digitalni intraoralni senzor (RVG)	6.540,30
5	Dermatoskop (donacija)	819,00
6	Oprema za vešeraj	1.129,90
7	Stropne i zidne lampe na senzor pokreta	4.914,00

UKUPNO:

51.719,57 KM

Proveli smo postupke javnih nabavki za ostali potrošni materijal i to: lijekove, sanitetski materijal, gorivo, ugalj, materijal za čišćenje prostorija, kancelarijski materijal i ostale nabavke planirane za 2025. godinu.

6. INFORMACIJA O STANJU TERENSKIH AMBULANTI NA PODRUČJU OPĆINE VAREŠ

O informaciji stanja terenskih ambulanti na području općine Vareš u 2025. godini je izvršen uvid u stanje 10 punktova terenskih ambulanti i to:

• *TERENSKA AMBULANTA BUDOŽELJE*

Udaljena je od matične ustanove J.U. Dom zdravlja Vareš 17 km i pruža zdravstvenu zaštitu za oko 816 stanovnika (selo Budoželje i Kadarići) smještena je u prostorijama mjesne zajednice Budoželje. Ambulanta se sastoji od čekaonice za pacijente, ambulante, previjališta, toaleta, ložione i prostorije koja služi za odlaganje zdravstvenih kartona i ostalih potrepština. Posjeduje svu neophodnu opremu za pružanje primarne zdravstvene zaštite svim osiguranicima sa područja mjesne zajednice Budoželje, međutim neophodna je odgovarajuća adaptacija prostora, da bi ambulanta funkcionisala u svom punom kapacitetu i svojim osiguranicima pružala bolju zdravstvenu zaštitu.

Obilaskom prostorija utvrđena je loša vanjska i unutrašnja stolarija, prozori koji prokišnjavaju, čime vlaga uništava unutrašnjost prostorija, zidove ispod svih prozora koji su potpučeni i vlažni, posebno u prostoriji koja je predviđena za ambulantu i u kojoj se pregledaju pacijenti. Unutrašnja vrata se teže zatvaraju, dvije brave su u kvaru, u previjalištu česma za umivaonik u lošem stanju, u toaletu nema vode za umivaonik, kojem nedostaje sifon za odvod. Prostorije dosta začadile, neohodno je krećenje prostorija. Centralno grijanje

postoji, ali nikada nije bilo u funkciji. Prostorije jako hladne, a grije se samo ambulantni prostor prilikom dolaska ljekara pomoću peći, dok se čekaonica zagrijava samo pomoću kvarcne grijalice. Prostorija za intervencije se ne zagrijava što dodatno otežava rad ljekara i medicinske sestre, a poseban problem predstavlja za pacijente koji se moraju skinuti radi određene intervencije, snimanja EKG i slično.

Neophodna zamjena unutrašnje i vanjske stolarije ili makar adaptacija i reparacija ukoliko je moguća radi same dotrajalosti iste, reparacija oštećenih zidova, farbanje zidova, zamjena dotrajalih česmi i osposobljavanje sanitarnog čvora, eventualno angažovanje nekoga ispred mjesne zajednice radi centralnog loženja i zagrijavanja cjelokupnog prostora makar jedanput mjesečno prilikom dolaska ljekara, jer je posjećenost pacijenata tom prilikom minimum 60 pacijenata.

• *TERENSKA AMBULANTA DABRAVINE*

Udaljena je od matične ustanove J.U. Dom zdravlja Vareš 16km i pruža zdravstvenu zaštitu za oko 732 stanovnika (Dabrovine, Neprivaj).

Ambulanta nije opremljena svom medicinskom opremom neophodnom za pružanje kompletne primarne zdravstvene zaštite. Posjeduje samo neohodnu opremu: jedan radni sto, koji dijele ljekar i med.sestra, stolice za ljekara, medicinsku sestru i pacijenta, ormarić za lijekove, stolić za pripremu parenteralne terapije ili drugu intervenciju, sterilizator i ležaj za pacijenta. U čekaonici postoji dovoljan broj stolica za pacijente.

Nedostaci: u ambulanti nema vode, radi pucanja cijevi, prije nekoliko godina, što nikada nije sanirano, što posljedično utiče i na nemogućnost korištenja toaleta, tako da su narušeni osnovni uslovi za rad ambulante. Prostor je veoma hladan, posjeduje jednu pećicu za zagrijavanje prostora ambulante, dok se previjalište, čekaonica i toalet ne zagrijavaju. Prostorije zahtijevaju detaljno čišćenje, farbanje zidova i saniranje vode, tj. sanitarnog čvora.

• *TERENSKA AMBULANTA STRIJEŽEVO*

Udaljena je od matične ustanove J.U. Dom zdravlja Vareš 11,5km i pruža zdravstvenu zaštitu za oko 763 (Striježevo, Kokošćići) stanovnika. Ambulanta je smješтана u prostorijama pomoćnog objekta Islamske zajednice Striježevo, koji služi za pohađanje vjeronauke, za smještaj prostorija ambulante, dok je u prizemlju objekta mrtvačnica, što je čini neadekvatnim prostorom za funkcionisanje ambulante i pružanje primarne zdravstvene zaštite. S obzirom da je ambulanta smješтана na spratu do kojeg vode neuslovne željezne spiralne stepenice i s obzirom da se radi o vjerskom objektu gdje je potrebno izuivanje obuće, sam pristup ambulanti je neuslovan i neadekvatan.

Prostor koji se koristi za pružanje zdravstvenih usluga sastoji se od jedne prostorije koja je polupregrađena i jedan dio se koristi kao ambulanta koju ljekar dijeli zajedno sa medicinskom sestrom, a drugi dio se koristi kao improvizirano previjalište. Ambulanta ne posjeduje adekvatnu medicinsku opremu za pružanje primarne zdravstvene zaštite, posjeduje samo neophodnu opremu koja ne zadovoljava ni minimum neophodnih standarda i normativa. Ne posjeduje adekvatnu čekaonicu, već su pacijenti na hodniku. Vanjska stolarija (prozori) su u jako lošem stanju, radni sto koji dijele ljekar i medicinska sestra je neadekvatan, star, klimav, stolice također neadekvatne drvene, neuslovne za rad ljekara i medicinske sestre. Prostorija se zagrijava loženjem peći koja je u istoj prostoriji. U improvizovanom previjalištu postoji ležaj za pacijente, ormarić za lijekove, sterilizator i stolić za pripremu parenteralne terapije i eventualno druge intervencije. Zajednički toalet postoji u prizemlju objekta.

Jedino pravo rješenje bi bilo kompletno izmještanje prostorija ambulante u neki drugi prostor ili izgradnja potpuno novog objekta.

- ***TERENSKA AMBULANTA PRŽIĆI***

Udaljena od matične ustanove J.U. Dom zdravlja Vareš 12 km i pruža zdravstvenu zaštitu za oko 318 stanovnika (Pržići, Daštansko). Smještena je u prostorijama mjesne zajednice Pržići, koje su nedavno renovirane i adaptirane. Ambulanta posjeduje samo neophodnu opremu sa pružanje minimuma zdravstvenih usluga i u jednoj prostoriji je smješten radni sto za ljekara i med.sestru, stolice za ljekara, med.sestru i pacijenta, ležaj za pacijenta, ormarić za lijekove. U posebnoj prostoriji koja je predviđena za pevijalište, a koja se ne koristi u te svrhe, smještena je ložiona za centralno grijanje koja se također ne koristi. Ambulanta se grije pomoću kvarcne grijalice, koja ne može zadovoljiti i osigurati topao radni prostor. Prostor posjeduje čekaonicu za pacijente, koja se ne zagrijava.

- ***TERENSKA AMBULANTA RAVNE***

Udaljena je od matične ustanove J.U. Dom zdravlja Vareš 21km i pruža zdravstvenu uslugu za oko 341 (Ravne, Okruglica i Brgule) stanovnika. Prostor ambulante je adaptiran i renoviran, pristup objektu je adekvatan, objekat posjeduje čekaonicu, toalet, ambulantu i previjalište. Ambulanta posjeduje samo osnovnu medicinsku opremu neophodnu za pružanje minimuma zdravstvenih usluga u primarnoj zdravstvenoj zaštiti i to radni sto za ljekara i medicinsku sestru, ormarić za lijekove, ležaj za pacijente, stolić za pripremu parenteralne terapije i druge intervencije, sterilizator. Ambulanta se zagrijava loženjem dotrajale peći, koja teško zagrije prostoriju.

Nedostaci ambulante su debeli kameni zidovi, koji prostor čine još dodatno hladnijim, utisak kao da se radi o podrumskim postorijama s obzirom da su prozori visoko postavljeni i mali sa nedovoljno prirodne sunčeve svjetlosti, što čini prostor tamnim i uslove rada težim. Stolice za ljekara i medicinsku sestru neadekvatne, drvene. Jako hladne prostorije za rad, koje je teško zagrijati, čekaonica za pacijente također jako hladna i nema mogućnost zagrijavanja. Previjalište improvizovano u istoj prostoriji sa ambulantom jer se dodatni prostor ne može zagrijavati. Toalet ne funkcioniše, radi pucanja cijevi, koje nikada nisu sanirane. Topla voda se zagrijava u prostoru ambulante pomoću malog bojlera.

Za pružanje bolje zdravstvene zaštite u ambulanti Ravne bilo bi neophodno obezbjediti novu peć radi boljeg zagrijavanja objekta, nove stolice za ljekara i medicinsku sestru i saniranje sanitarnog čvora.

- ***TERENSKA AMBULANTA POGAR***

Udaljena je od matične ustanove J.U. Dom zdravlja Vareš 13km i pruža zdravstvenu uslugu za oko 251 stanovnika (Pogar, Duboštica). Ambulanta je improvizovanog tipa, smještena u prostorijama mjesne zajednice Pogar, koju su opremili mještani. Prostor je adaptiran, renoviran, posjeduje vodu i toalet. Postoje uslovi za pružanje minimuma zdravstvenih usluga u primarnoj zdravstvenoj zaštiti. Zagrijava se i prostor ambulante i čekaonica za pacijente. Ambulanta posjeduje radni sto, stolice za ljekara, med.sestru i pacijente, ležaj za pacijente i ormarić za lijekove.

• *TERENSKA AMBULANTA DRAGOVIĆI*

Udaljena je od matične ustanove J.U. Dom zdravlja Vareš 21km i pruža zdravstvenu uslugu za oko 286 stanovnika (Dragovići, Mijakovići).

Posjeduje čekaonicu, ambulantu, previjalište, toalet i ložionu za centralno grijanje.

Jedini nedostatak objekta je što nema vodu, pa samim tim ne postoji ni mogućnost korištenja toaleta.

Za normalno funkcionisanje ambulante i pružanje bolje zdravstvene zaštite pacijentima neophodno je obezbjediti vodu i sanitarni čvor, radi ispunjavanja osnovnih higijensko – epidemioloških uslova.

• *TERENSKA AMBULANTA BOROVIKA*

Udaljena je od matične ustanove J.U. Dom zdravlja Vareš 20km i pruža zdravstvenu zaštitu za oko 157 stanovnika (Gornja i Donja Borovica). Ambulanta je adaptirana i renovirana i smještena je u prostorijama mjesne zajednice Borovica. Ima adekvatan pristup i osobama sa invaliditetom, a posjeduje čekaonicu, ambulantu, previjalište i zajednički toalet. Ambulanta je opremljena osnovnom medicinskom opremom za pružanje minimuma zdravstvenih usluga u primarnoj zdravstvenoj zaštiti. Ambulanta se zagrijava pomoću šporeta, dok se čekaonica ne zagrijava, kao ni previjalište, iako postoji razvedeno centralno grijanje u objektu.

Za pružanje kvalitetnije zdravstvene zaštite stanovništvu neophodno je farbanje zidova koji su učadili, posebno u prostoru ambulante i čekaonice i zamjena stakla na jednom prozorskom oknu u previjalištu, koje je razbijeno i eventualno zagrijavanje cijelog objekta.

• *TERENSKA AMBULANTA VIJAKA*

Udaljena od matične ustanove J.U. Dom zdravlja Vareš 18 km i pruža zdravstvenu zaštitu za oko 267 stanovnika. Ambulanta je tipa montažnog objekta u jako lošem stanju, prokišnjava dotrajavao krov, vanjska i unutrašnja stolarija loša, keramičke pločice u toaletu otpadaju, nema vode za korištenje toaleta i sanitarija, u previjalištu dosta vlage, neadekvatno grijanje.

Objekat posjeduje čekaonicu, ambulantu, previjalište, toalet, prostoriju za odlaganje ostalih potrepština. Posjeduje samo osnovnu medicinsku opremu za pružanje minimuma zdravstvenih usluga u primarnoj zdravstvenoj zaštiti.

Neophodno kompletno renoviranje i adaptacija objekta, opremanje ambulante ili eventualno izmještanje prostorija ambulante.

• *TERENSKA AMBULANTA LIGATIĆI*

Udaljena od matične ustanove J.U. Dom zdravlja Vareš 23,5km i pruža zdravstvenu zaštitu za oko 380 stanovnika (Ligatići, Mižnovići i Očevja). Ambulanta je smještena u podrumskim prostorijama mjesne zajednice Ligatići, te je pristup ambulanti neadekvatan radi dosta strmih stepenica. Ambulanta improvizovano neadekvatno pregrađena na čekaonicu i ambulantu sa previjalištem, bez postavljene izolacije, tako da pacijenti nemaju obezbjeđenu privatnost. Ambulanta nema vode, također radi pucanja cijevi u zimskom periodu, tako da ne funkcioniše ni toalet. Ambulanta nije opremljena adekvatno, radni sto premalen, star, klimav, neadekvatn za rad, koji dijele ljekar i medicinska sestra. Stolice također neadekvatne, drvene, hladne. Improvizovani ormarić za lijekove, također stari drveni, neadekvatan za održavanje i čuvanje lijekova i materijala. Stolić za pripremu parenteralne terapije i druge intervencije također drveni neadekvatan. Ležaj za pacijente zadovoljavajući. Ambulanta se zagrijava pomoću peći loženjem drveta, čime se ne može postići odgovarajuća radna

temperatura u ambulanti, dok se čekaonica ne zagrijava, tako da je pacijentima veoma hladno. Stolarija vanjska dotrajala, stara, ne dihtuje dobro, sa nedovoljno prirodne sunčeve svjetlosti, što dodatno otežava rad.

Za pružanje bolje zdravstvene zaštite stanovništvu Ligatića neophodno je renoviranje ambulate i opremanje osnovnom medicinskom opremom za primarnu zdravstvenu zaštitu.

ZAKLJUČAK: Radi pružanja bolje i kvalitetnije zdravstvene zaštite na području općine Vareš neophodna je adaptacija terenskih ambulant i opremanje nedostajućom medicinskom opremom neophodnom za pružanje zdravstvenih usluga. Najveći problem u skoro svim terenskim ambulantom je nedostatak vode i nefunkcionalnost sanitarnih čvorova, što samim tim ne zadovoljava osnovne higijensko – epidemiološke uslove za rad i efikasno funkcionisanje ambulant.

7. IZVJEŠTAJ O FINANSIJSKOM POSLOVANJU I-XII / 2025. GODINE

Finansijsko poslovanje JU Dom zdravlja Vareš u izvještajnom periodu odvijalo se po akontativnom principu, to jest primane su mjesečne akontacije od strane Zavoda zdravstvenog osiguranja (u daljem tekstu ZZO Zenica) regulirane Ugovorom o međusobnim odnosima u pružanju zdravstvene zaštite u 2025.godini između ZZO Zenica i JU Dom zdravlja Vareš.

PRIHODI:

U izvještajnom periodu ukupni prihodi ostvareni su u iznosu od 3.704.791,06 KM, a struktura prihoda je:

g o d i n a :	2024.	2025.	INDEX %
- Ugovor sa ZZO Zenica	3.199.880,73	3.401.850,70	+6,31%
- participacija	1.245,36	903,49	-27,45%
- ostale komercijalne usluge (DMR,HES,ortod,protet,vakcine i ost.)	217.297,11	228.610,21	+5,21%
- prihodi od kamata	17,14	13,16	-23,22%
- prihodi iz budžeta-(Općina Vareš)	7.000,00	4.000,00	-42,86%
- prihodi iz budžeta-Vlada ZDK-Min. zdravstva ZDK	0,00	43.000,00	-
- ostali prihodi-amort.don.opreme i dr.	34.452,22	26.413,50	-23,33%
U K U P N O :	3.459.892,56	3.704.791,06	+7,08

RASHODI:

U izvještajnom periodu ukupni rashodi ostvareni su u iznosu od 3.673.266,72 KM, a struktura troškova je:

g o d i n a :	2024.	2025.	INDEX%
- sirovine i materijala	108.798,72	107.843,90	-0,88%
- energija (el.energija, gorivo, mazivo i sl.)	67.591,28	72.989,37	+7,99%
- sitnog inventar (otpis 100%)	8.884,89	612,19	-93,11%
- bruto plaća i naknada	2.618.221,89	2.813.139,50	+7,44%
- putni troškovi - dnevnice i ostali troškovi	980,10	1.402,50	+43,10%
- ost. trošk.zaposlenih (topli obrok, prevoz i dr.)	443.129,63	372.757,60	-15,88%
- naknade član. UO	5.766,18	5.152,74	-10,64%
- ugovori o djelu i stručno osposobljavanje	64.588,01	50.377,23	-22,00%
- transportne usluga	150,00	400,00	+166,67%
- tekuće održavanje sredstava	31.872,36	18.643,02	-41,51%
- amortizacija	113.706,23	96.801,85	-14,87%
- neproizvodne usluge (zdrav.- komun.- revizija i dr.)	46.387,05	57.381,47	+23,70%
- prekoračenja utroška lijekova sa E. liste	12.627,84	23.888,20	+89,17%
- reprezentacija	7.822,09	5.153,04	-34,12%
- premije osiguranja sredstava i zaposl.	3.551,90	3.787,70	+6,64%
- platni promet	3.069,00	2.958,00	-3,62%
- poštanske i telekomunikacijske usluge	7.629,18	7.775,44	+1,92%
- naknade, porezi, takse i dr. dadžbina	25.848,05	24.787,04	-4,10%
- ost.nemater.trošk.- služb.glasila, oglasi i dr.	6.750,99	6.066,20	-10,14%
- rashodi kamata	0,00	0,00	-
- rashodi po osnovu isp. grešaka i otpisa potraživanja	29.800,99	0,00	-100,00%
- rashodi po osnovu ispravki grešaka iz ran. per.	0,00	1.299,73	-
- kazne za privredne prestupe i prekršaje	8.000,00	50,00	-99,38%
U K U P N O :	3.615.176,18	3.673.266,72	+1,61%

OBRAČUN REZULTATA POSLOVANJA

	2024.	2025.	INDEX%
- UKUPNI PRIHODI	3.459.892,56	3.704.791,06	+10,26
- UKUPNI RASHODI	3.615.176,18	3.673.266,72	+19,21
- GUBITAK	<u>(155.283,62)</u>	-	-
- DOBIT	-	<u>31.524,34</u>	-

Rezultat odnosa iskazanih prihoda i rashoda u izvještajnom periodu je pozitivan, te tako imamo višak prihoda nad rashodima u iznosu od 31.524,34 KM.

Sastavni dio izvještaja o finansijskom poslovanju Doma zdravlja Vareš je i Mišljenje neovisnog revizora iz Izvještaja o reviziji finansijskih izvještaja za JU Dom zdravlja Vareš za poslovnu 2025. godinu.


DIREKTOR



dr. Ahmed Memić, spec. preventivne i
dječije stomatologije




PREDSJEDNIK U.O.



Igor Hinger, prof.

Broj: 19-02-776 /26
Datum, 14. 05. 2026 /26



REFIN

DRUŠTVO ZA REVIZIJU, RAČUNOVODSTVO,
FINANSIJSKO I POREZNO SAVJETOVANJE

Adresa: Ul. Čaršija br. 6, 71330 Vareš

Tel/Fax: 032 843 280

Mob: 061 794 781

E-mail: refin@bih.net.ba

ID Broj: 4218909360005

PDV Broj: 218909360005

MBS: 43-01-0800-15

II. IZVJEŠTAJ NEOVISNOG REVIZORA

- OSNIVAČU JAVNE USTANOVE DOM ZDRAVLJA VAREŠ
- SKUPŠTINI JAVNE USTANOVE DOM ZDRAVLJA VAREŠ
- UPRAVNOM ODBORU USTANOVE
- UPRAVI USTANOVE

Mišljenje

Obavili smo reviziju priloženih finansijskih izvještaja za JAVNU USTANOVU DOM ZDRAVLJA VAREŠ (dalje: Ustanova), koji obuhvataju izvještaj o finansijskom položaju na dan 31. decembra 2025. godine, izvještaj o sveobuhvatnoj dobiti, promjenama u kapitalu i novčanom toku za godinu završenu na taj dan, te bilješke uz finansijske izvještaje uključujući i sažetak značajnih računovodstvenih politika.

Prema našem mišljenju, priloženi finansijski izvještaji istinito i fer prikazuju u svim značajnim odrednicama finansijski položaj Ustanove na dan 31. decembra 2025. godine, njegovu finansijsku uspješnost, te njegove novčane tokove, za godinu tada završenu i u skladu su sa Međunarodnim standardima finansijskog izvještavanja (MSFI).

Osnov za izražavanje mišljenja

Reviziju smo obavili u skladu sa Međunarodnim revizijskim standardima (MRevS-ima). Naše odgovornosti prema tim standardima su detaljnije opisane u našem izvještaju u paragrafu o revizorovim odgovornostima za reviziju finansijskih izvještaja. Nezavisni smo od Ustanove u skladu sa Kodeksom etike za profesionalne računovođe Odbora za međunarodne standarde etike za računovođe (IESBA) i ispunili smo naše ostale etičke odgovornosti u skladu sa IESBA Kodeksom. Uvjereni smo da su revizorski dokazi koje smo prikupili dovoljni kao osnova za izražavanje našeg mišljenja.

Ključna revizijska pitanja

Ključna revizijska pitanja su ona pitanja koja su bila, po našoj profesionalnoj procjeni, od najveće važnosti za našu reviziju godišnjih finansijskih izvještaja tekućeg perioda. Tim pitanjima smo se bavili u kontekstu naše revizije godišnjih finansijskih izvještaja kao cjeline i pri formiranju našeg mišljenja o njima, i mi ne dajemo zasebno mišljenje o tim pitanjima.

Odredili smo da nema ključnog revizijskog pitanja za navesti u našem izvještaju.

Ostale informacije

Uprava je odgovorna za ostale informacije. Ostale informacije sadrže informacije uključene u godišnji izvještaj, ali ne uključuju godišnje finansijske izvještaje i naš revizorski izvještaj.

Naše mišljenje o finansijskim izvještajima ne obuhvata ostale informacije, i mi ne izražavamo bilo koji oblik zaključka s izražavanjem uvjerenja o njima.

U vezi s našom revizijom finansijskih izvještaja, naša je odgovornost pročitati ostale informacije i, u provođenju toga, razmotriti jesu li ostale informacije značajno proturiječne finansijskim izvještajima ili našim saznanjima stečenim u reviziji ili sedrugачije čini da su značajno pogrešno prikazane. Ako, na osnovu posla koji smo obavili, zaključimo da postoji značajan pogrešan prikaz tih ostalih informacija, od nas se zahtjeva da objavimo tu činjenicu. U tom smislu mi nemamo ništa za objaviti.

Odgovornost Uprave i onih koji su zaduženi za upravljanje i finansijske izvještaje

Uprava je odgovorna za pripremanje i fer prezentaciju finansijskih izvještaja u skladu sa Međunarodnim standardima finansijskog izvještavanja, i za one interne kontrole za koje uprava odredi da su potrebne za omogućavanje sastavljanja finansijskih izvještaja koji su bez značajno pogrešnog prikazivanja usljed prevare ili pogreške.

U sastavljanju finansijskih izvještaja, uprava je odgovorna za procjenjivanje sposobnosti Društva da nastavi sa vremenski neograničenim poslovanjem, objavljivanje, ako je primjenjivo, pitanja povezanih s vremenski neograničenim poslovanjem i korištenjem računovodstvene osnove utemeljene na vremenskoj neograničenosti poslovanja, osim ako uprava ili namjerava likvidirati Društvo ili prekinuti poslovanje ili nema realne alternative nego da to učini. Oni koji su zaduženi za upravljanje su odgovorni za nadziranje procesa finansijskog izvještavanja kojeg je ustanovilo Društvo.

Revizorove odgovornosti za reviziju finansijskih izvještaja

Naši ciljevi su steći razumno uvjerenje o tome jesu li finansijski izvještaji kao cjelina bez značajnog pogrešnog prikaza usljed prevare ili pogreške i izdati revizorski izvještaj koji uključuje naše mišljenje. Razumno uvjerenje je viši nivo uvjerenja, ali nije garancija da će revizija obavljena u skladu sa MRevS-ima uvijek otkriti značajno pogrešno prikazivanje kada ono postoji. Pogrešni prikazi mogu nastati usljed prevare ili pogreške i smatraju se značajni ako se razumno može očekivati da, pojedinačno ili u zbiru, utiču na ekonomske odluke korisnika donijete na osnovu tih finansijskih izvještaja.

Kao sastavni dio revizije u skladu sa MRevS-ima, stvaramo profesionalne procjene i održavamo profesionalni skepticizam tokom revizije. Mi takođe:

- Prepoznavamo i procjenjujemo rizike značajnog pogrešnog prikazivanja finansijskih izvještaja, zbog prevare ili pogreške, oblikujemo i obavljamo revizorske postupke kao reakciju na te rizike i pribavljamo revizorske dokaze koji su dostatni i primjereni da osiguraju osnovu za naše mišljenje. Rizik neotkrivanja značajnog pogrešnog prikazivanja nastalog usljed prevare je veći od rizika nastalog

usljed pogreške, jer prevara može uključivati tajne sporazume, krivotvorenje, namjerno ispuštanje, pogrešno prikazivanje ili zaobilaženje internih kontrola.

- Stičemo razumjevanje internih kontrola relevantnih za reviziju kako bismo bismo oblikovali revizorske postupke koji su primjereni u datim okolnostima, ali ne i za svrhu izražavanja o djelotvornosti internih kontrola Društva.
- Ocjenjujemo primjerenost korištenih računovodstvenih politika i razumnost računovodstvenih procjena i povezanih objava koje je stvorila uprava.
- Zaključujemo primjerenosti korištene računovodstvene osnove zasnovanoj na vremenskoj neograničenosti poslovanja koji koristi uprava i, bazirano na prikupljenim revizorskim dokazima, zaključujemo o tome postoji li značajna neizvjesnost u vezi sa događajima ili okolnostima koji mogu stvarati značajnu sumnju u sposobnost Društva da nastavi s vremenski neograničenim poslovanjem. Ako zaključimo da postoji značajna neizvjesnost, od nas se zahtjeva da skrenemo pažnju i našem revizorskom izvještaju na povezane objave u finansijskim izvještajima ili, ako takve objave nisu odgovarajuće, da modificiramo naše mišljenje. Naši zaključci se zasnivaju na revizorskim dokazima sve do datuma našeg revizorskog izvještaja. Međutim, budući događaji ili uslovi mogu uzrokovati da Društvo prekine svremenski neograničenim poslovanjem.
- Ocjenjujemo cjelokupnu prezentaciju, strukturu i sadržaj finansijskih izvještaja, uključujući i objave, kao i odražavaju li finansijski izvještaji transakcije i događaje na kojima su zasnovani na način kojim se postiže fer prezentacija.

Mi komuniciramo sa onima koji su zaduženi za upravljanje u vezi s, između ostalih pitanja, planiranim obimom i vremenskim rasporedom revizije i važnim revizorskim nalazima, uključujući i u vezi sa značajnim nedostacima u internim kontrolama koji su otkriveni tokom revizije.

Mi takođe dajemo izjavu onima koji su zaduženi za upravljanje da smo postupili uskladu sa relevantnim etičkim zahtjevima u vezi sa neovisnošću i da ćemo komunicirati sa njima o svim odnosima i drugim pitanjima za koje se može razumno smatrati da utiču na neovisnost, kao i, gdje je primjenjivo, povezanim zaštitama. Između pitanja o kojima se komunicira sa onima zaduženim za upravljanje, mi određujemo ona pitanja koja su od najveće u reviziji finansijskih izvještaja tekućeg perioda i stoga su ključna revizijska pitanja. Mi opisujemo ta pitanja u našem revizorskom izvještaju, osim ako zakon ili regulativa sprečava javno objavljivanje ili kada odlučimo, u iznimno rijetkim okolnostima, da pitanje ne treba saopštiti u našem izvještaju jer se razumno može očekivati da bi negativne posljedice saopštavanja nadmašile dobrobit javnog interesa od takvog saopštavanja.

Vareš, 20.04.2026. godine

Partner u reviziji:

„Refin“ d.o.o. Vareš

Direktor:

Amira Petrović

Amira Petrović



Ensud Beganović, dipl.oec.

Ovlašteni revizor

[Signature]
Ovlašteni revizor:

Omer Kozlić, dipl.ecc.

[Signature]

OPĆINA VAREŠ
JU DOM ZDRAVLJA VAREŠ
Upravni odbor

Broj; 19-02-~~77~~4/26
Datum, 08.05.2025.god.

Na osnovu člana 65. Zakona o zdravstvenoj zaštiti (Sl. novine F BiH 46/10 i 75/13) i člana 24. Statuta JU Dom zdravlja Vareš br.19-02-1662/21 od 16.09.2021.godine, Upravni odbor JU Dom zdravlja Vareš na 51. redovnoj sjednici održanoj dana 08.05.2026. godine, d o n o s i ;

O d l u k u
O usvajanju Izvještaja o radu JU Dom zdravlja
Vareš za 2025.godinu

Član 1.

Usvaja se Izvještaj o radu JU Dom zdravlja Vareš za 2025. godinu, koji čini sastavni dio ove Odluke.

Član 2.


Odluka stupa na snagu danom donošenja.

DOSTAVLJENO:

1x Općinsko vijeće
2x uz Zapisnik
1x a/a



PREDSJEDNIK
UPRAVNOG ODBORA


Igor Hinger, prof.